

Youq Gwnz Daihhoih Angqhoh Gvangjsih Boux-cuengh Swcigih Laebbaenz 60 Hopbi Gangjvah

(2018 nienz 12 nyied 10 hauh)

□ Luz Sinhse

Vangh Yangz cajsiz gingqgyaez, gak bouxdaeuz cunghyangh daibyauj-donz gingqgyaez, gyoengq dungzci, gyoengq baengzyoux:

Ngoenzneix, Nanzningz faex heuswdswd, va hai foenghwd, daengx singz angqyangz dangqmaz. Raeuz hoengghwd comz youq gizneix, angqhoh Gvangjsih Bouxcuengh Swcigih laebbaenz 60 hopbi.

Cunghgung Cunghyangh, Daengx Guek Yinzda Cangzvejvei, Gozvuyen, Daengx Guek Cwnghhez, Cunghyangh Ginhvej cienmonz dwk hohdienh daeuj, Siz Ginbingz cungjsuhgi vih Gvangjsih Bouxcuengh Swcigih laebbaenz 60 hopbi daezswz “Cauhlaeb Aen Gvangjsih Gyaundeis Saedyienh Aen Loqsiengj Fukhwng”, cukgaeuq yienh’ ok aen Dangjcunghyangh aeu Siz Ginbingz dungzci guh haedsim gig yawjnaek caeuq gvansim Guengjsae, Guengjsae 5600 fanh gak cuz lwgminz gyoaen dangqmaz, angqyangz dangq-maz. Boux cangzvej Cunghgung Cunghyangh Cwngcigiz, cajsiz Daengx Guek Cwnghhez Vangh Yangz dungzci daiq aen daibyaujdonz cunghyangh daeuj Guengjsae, daiqdaeuq le gij cingzngieih naekna caeuq hohfuk gyaundeis aen Dangjcunghyangh aeu Siz Ginbingz dungzci guh haedsim caeuq daengx guek gak cuz lwgminz. Youq gizneix, gou daibyauj Swcigih Dangjvej, Swcigih Yinzda Cangzvejvei, Swcigih Yinzminz Cwnghfuj, Swcigih Cwnghhez, Gvangjsih Ginhgi caeuq daengx gih gak cuz lwgminz, gig sang aeueiq aen Dangjcunghyangh aeu Siz Ginbingz dungzci guh haedsim haenx! Angqcoux aen daibyaujdonz cunghyangh! Angqcoux gak boux hekgyiq, gak boux baengzyoux! Caensim camndeis daengx gih gak cuz ganbu ginzung caeuq gyoengqvunz gak gyaiq! Caensim camndeis gyoengq cijcanyenz bingdoh cap youq Guengjsae, gyoengq guenbing vujgingj, gyoengq gangingj cwnghfaz! Caensim camndeis gyoengq dungzci aen danhvei cunghyangh cap youq Guengjsae haenx! Caensim gyo’mbaiq gyoengq dungzci geq itloh doxdaeuj vih hwnqguh, gaijgwz, hwnghat Guengjsae guh’ok gunghawj haenx! Caensim gyo’mbaiq gyoengq dungzci gyoengq baengzyoux haeujsim haeujoengh Guengjsae hwnghat haenx!

60 bi gaxgonq, ndaej Dangjcunghyangh gyaemaiz gvansim caeuq minzczu cwnghwz aen dangj ciuqrongh, senhgau laebbaenz Gvangjsih Boux-cuengh Swcigih, baenz le guek raeuz aen swcigih vunz siujsoq minzczu ceiq lai ndeu, aen Guengjsae moqsaksak daj neix hainduj lo. 60 bi doxdaeuj, daengx gih gak cuz lwgminz caez

diemheiq, caemh minghyinh, sim doxlien, dawzneuz doxbang, caen lumj ranz vunz ndeu, doengzcaeuz doxgiat haenqguh, doengzcaeuz mwn-hoengh hwnghat, cau ok le cingzcik hungloet ndaej vunz haenx, ranghdieng Betgveiq bienq ndaej yied daeuj yied gyaundeis.

Daegbied dwg daj Cibbet Daih aen dangj doxdaeuj, ndaej aen Dangjcunghyangh aeu Siz Ginbingz dungzci guh haedsim akrem daiqlingx, daengx gih gak cuz lwgminz yaengx-sang mbawgeiz hungmbwk gij sw-hsiengj Siz Ginbingz sevei cuji miz daegsaek Cungguk seizdaih moq, cienzmienh doeksaed gij sawjmingh moq “sam daih dinghvi” caeuq gij iugouz moq “haj aen netsaed” Siz Ginbingz cungjsuhgi gyau hawj Guengjsae caeuq doiq Guengjsae daezok haenx, hailoh cauhoq, laemxsim baenaj, ngaemgyaeuq buek-guh, doidoengh gij saehnieb hwngh Guengjsae fouq lwgminz aeundaeg gij cingzcik doenghbaez caengz ndaej gvaq, fatseng gij bengwz doenghbaez caengz miz gvaq. Aen Guengjsae doenghbaez “laux, siuj, bien, bya, gungz” neix, guhdaengz le yiengh cienjbienq daj mboengq souhaeuq noix yamqhaeuq mboengq cungjdaeg souhaeuq cungdaengj, daj giz byai gyaudoeng daengx guek yamqhaeuq ranghdieng cotsim gyaudoeng, daj dieg haemq goxgex fungsak yamqhaeuq najcoh Dunghmungz hailangh, daj lwgminz gwndaen mbouj gaeuq yamqhaeuq cienzmienh siujgangh, sij ok le faenzcieng moq baihnanz guekcoj mwnhoengh hwnghat.

—Raeuz itloh dingjmaen Cungguk Gungcanjdangj daiqlingx, laemxsim mbouj bienq byai diuz roen sevei cuji miz daegsaek Cungguk, laebmaen “seiq aen eiqsik”, giendingh “seiq aen gagsaeng”, giengiet henhoij gij diegvih haedsim Siz Ginbingz cungjsuhgi, giengiet henhoij gij gienzvi caeuq gij daiqlingx gyonjcomz doengjit Dangjcunghyangh, laebciengz giendingh gangj cwnghi, goq daihbuenz, souj gijliz, itloh aeu mbawgeiz dangj guh mbawgeiz, aeu gij fuengyiengq dangj guh fuengyiengq, aeu gij ceiqheiq dangj guh ceiqheiq, saedbauj gij cwnghing cunghyangh doengrat. Aen Guengjsae ngoenzneix, cwngh doeng vunz huz, bak nieb hoenghvuengh, sim vunz naemj ndei, Mbanjcuengh gak cuz lwgminz “mbouj guenj rumz caeuq fwn, itloh riengz dangj byaij”, laemxsim riengz aen fuengyiengq dangj vixyinx haenx ngienxgyaeuq haengrenz baenaj.

—Raeuz itloh dingjmaen caeuq caezcien aen cidu ranghdieng

minzczu gagguen, cienzmienh daengzdaeg caephengz gij minzczu cwnghwz aen dangj, lienzdaemh doicaen hwnqguh dieg yienghndei minzczu doxgiat cinbu, haeuilaeg mbeguh boqgangj son’gyauq minzczu doxgiat cinbu, gaenxmaenx coicaen gak minzczu baedauq huzndei, haeurenz gyamaen hwnghat yiengh minzczu gvanhaeh sevei cuji bingzdaengj doxgiat doxbang huzndei haenx, netsaed couqmaen gij eiqsik caezcaemh aen Cwnghvaz Minzczu ndeu, mboujduen cauhoq demlai Guengjsae hengzguh diuzroen cingqden gajgez minzczu vwndiz miz daegsaek Cungguk. Aen Guengjsae ngoenzneix, gak cuz lwgminz couh lumj ceh siglouz nei got ndaet youq itheij, huzndei caez youq, caezsim okrenz, huzndei hwnghat, minzczu gvanhaeh dwg seiz lizsij ceiq ndei.

—Raeuz itloh dingjmaen hwnghat dwg gij saeh youqgaen daih’it, gaemmaen fagseiz baengh hwnghat gajgez gak cungj vwndiz dieg minzczu, laebmaen gij leixniemh hwnghat moq, cawjdoeng habngamj dawzndei dazyinx cungj cangzdai moq ginghci hwnghat, netsaed doicaen gajgwz gij gapgyaq mbiengj gunghawj, haeuilaeg hengzguh aen canloz cauhoq doidoengh hwnghat, gyarem hwnqguh gij sezsih giekdaeg, coicaen canjnieb cienjiengh swnggaep, gyavaiq hwnqguh aen ginghci diji yendaiva, netsaed doidoengh ginghci caetliengh sang hwnghat baenaj. Aen Guengjsae ngoenzneix, gyoebhab saedlig yamq hung yat baenaj, gij naengzlig cauhoq swngsang yienhda, yienghsienq singzmbanj ngoenz bei ngoenz ndei, aen Guengjsae moq fouqmiz vwnzmingz doxhuz gyaundeis ndeu cingq hwnghwng youq baihnanz guekcoj hungmbwk.

—Raeuz itloh dingjmaen gyalag gaijgwz gyadaih hailangh, gaenndaet hopheux aen sawjmingh moq “sam daih dinghvi”, haeuilaeg doicaen gij gaijgwz aen lingjiy youqgaen caeuq giz hothoh youq-gaen, gyavaiq cauhaeb aen gwzgi moq gizgi hailangh hwnghat, guhbaenz “yengqcoh baihnanz, lienziep baihaek, yungzhaeuq baihoeng, lienzhab baihae”, yungh cienzbouh goengrenz dajcauh banj swnggaep. Cungguk-Dunghmungz Bozlanjvei, caensaed doicaen youq gwnz gozci hwnqguh diuz roenloh moq youq dieghawj dieghaij doxgap guh gaicawx, gaenxmaenx doiqciep gij hwnghat ranghdieng henz haijvanh Yez Gangj Au, haeuilaeg yungzhaeuq hwnqguh “it rangh it loh”. Aen

Guengjsae ngoenzneix, cienzmienh gyalag gaijgwz yamqonj byaij vaiq, doiq rog hailangh doxgap gyalag gya’ gvangq, cingq youq ndaw gvaengxlaengx engq hung, aen biengzdieg engq gvangq, giz caengzgaep engq laeg yungzhaeuq daengx guek, byaijcoh Dunghmungz, gotumj seiqgyaiq.

—Raeuz itloh dingjmaen loegsaek hwnghat, geiqmaen gij daengqdak “gijak swnghdai Guengjsae dij gvaq gim” Siz Ginbingz cungjsuhgi, haeuilaeg saedhengz aen leixniemh swnghdai vwnzmingz, dingjmaen swnghdai laeb gih, swnghdai ikleih lwgminz, doengit suenqveh ceihleix hidungj bya raemx ndoeng naz huz haij, lienzdaemh doicaen hwnqguh lajmbanj “Guengjsae gyaundeis” caeuq hwnqguh hawsingz ngamj youq, gyavaiq hwnghat swnghdai ginghci, canjnieb loegsaek, haeurenz daezswng gij “yiengh gyaue” raemx saw bya heu, yienh’ ok gij “yungcawq” byagim bya’ ngaenz, mboujduen uet seuq gaiq ciubaiz dijbauj “bya heu raemx saw swnghdai gyaundeis”. Aen Guengjsae ngoenzneix, bya seizseiz heu, raemx seizseiz saw, hoengheiq seizseiz singhsien, swnghdai vanzging caetliengh baiz youq baihnaj daengx guek, diuz roen loegsaek hwnghat canjnieb ndei, beksingq fouq, swnghdai gyaue, vunlai roxyinh vuenyungz lairaeuh youh gig miz daegsaek Guengjsae haenx yied byaij yied gvangq.

—Raeuz itloh dingjmaen aen swhsienq hwnghat aeu lwgminz guh cungsim, gaenxmaenx swnh’wngq gak cuz vunlai cungj simmuengh gvaq saedceij ndei, guh maz hong cungj aeu naemj daengz gyalai fukheiq lwgminz, coicaen bouxvunz cienzmienh hwnghat, giengiet hoenx hingz hoenx ndei ciengz ciengq gunggheng duetgungz, haeuilaeg hengzguh aen gunghcwngh lwgminz gwndaen, san maen daemj maed aen muengx baujang ndawbiengz, cienzmienh hwnghat gyauyuz, gohgi, veiswng, vwnzva doenghgi saehnieb ndaw-biengz neix, haeuilaeg doicaen ciuqap guenleix Guengjsae caeuq cauhoq ceihleix ndawbiengz, doengzcaeuz dajcauh yiengh saedceij moq hawj gak cuz lwgminz ndaej gyaundeis vuenyungz. Aen Guengjsae ngoenzneix, lwgminz an’ onj gvaq saedceij, ndawbiengz huzndei onj-dingh, dieg henzguk gaenmaen andingh, biengzdeih Betgveiq “bibi eu fwen danq seizcin, ciengq dwk ndaw sim angqvauvau”.

(bailhaj cienj banj daihhaj)